

Do parolinn anmò sui strad de ferr : sestinn / de Leopold Barzagh.

Barzagh, Leopold.

Milano : Presso Serafino Majocchi ... ed Eustacchio Piana ..., 1840

<http://hdl.handle.net/2027/uiuc.7175970>

HathiTrust



www.hathitrust.org

Public Domain

http://www.hathitrust.org/access_use#pd

We have determined this work to be in the public domain, meaning that it is not subject to copyright. Users are free to copy, use, and redistribute the work in part or in whole. It is possible that current copyright holders, heirs or the estate of the authors of individual portions of the work, such as illustrations or photographs, assert copyrights over these portions. Depending on the nature of subsequent use that is made, additional rights may need to be obtained independently of anything we can address.



ILLINOIS
UNIVERSITY OF ILLINOIS AT URBANA-CHAMPAIGN

Production Note

Digital Rare Book Collections
Rare Book & Manuscript Library
University of Illinois Library at
Urbana-Champaign
2015


D-9-4. n. 11.

DO PAROLINN ANMÒ
SUI
STRAD DE FERR

Sestinn
DE LEOPOLD BARZAGH



Milano
PRESSO SERAFINO MAJOCCHI
Contrada de' Profumieri
ED EUSTACCHIO PIANA
Contrada di ¹⁷²aurilio, N. DO BARZAGHI.
1840.



585

RARE BOOK ROOM

DO PAROLINN ANMÒ
SUI
STRAD DE FERR

Sestinn
DE LEOPOLD BARZAGH




MILANO
PRESSO SERAFINO MAJOCCHI
Contrada de' Profumieri
ED EUSTACCHIO PIANA
Contrada di s. Maurilio, N.º 21
LEOPOLD BARZAGHI.
1840.

Digitized by

UNIVERSITY OF ILLINOIS AT
URBANA-CHAMPAIGN

Original from

UNIVERSITY OF ILLINOIS AT
URBANA-CHAMPAIGN



Cavagna
585

AL PREGIATISSIMO SIGNOR PITTORE

Giovanni Bianchi,

Caro Pittore!

La continua nostra unione fin dall'infanzia nell'apprendere i principj dell'educazione, e gli innocenti trastulli ognora divisi in dolce contento, formarono la nostra amicizia in modo che questa, incontrata da giovanetto, venne di poi conosciuta nell'adulta età. Essa quindi mi fa un dovere dedicarti in oggi in segno di benevolenza e gratitudine, questi miei primi schizzi di Poesia, dettati da subitaneo estro nel nostro dialetto.

Il tuo buon cuore prevalga alla loro meschinità, e li aggrada siccome pegno della più profonda affezione.

LEOPOLDO BARZAGHI.



DO PAROLINN ANMÒ
SUI
STRAD DE FERR

Sestinn.

De già che poch paroll hân cuntaa su,
Resguard ai strad de ferr che fan adess,
Vui dighen tre o quatter mi a lu,
Che m'hin vegnuu in la ment appenna adess:
Che l'è tropp giust che anch nun disem quaicoss,
Tant per stopagh a tanti on toch de goss.

Deffatti adess el mond l'è piscinin,
L'è strenc, l'è curt, l'è com'el voeurem nun;
Adess nun girem in d'on momentin
(Che de tucc quij che mort ghe staa nissun),
Paès, borgh e cittaa; traversem fium
Con l'aqua e on poo de foeuch che me fa lum.

El mond el me diventa ona cittaa :
 Sta cittaa la se forma in tant contrad ;
 E nun emm de giraj, giraj settaa,
 Senza seccass de sta tant temp su i strad :
 Semm chi, sem lì, semm già rivaa su 'l sit
 In temp che vun' l se frega i oeucc coi dit.

Gh'avarem nanca temp de saludass
 Se per la strada incontrém on amîs,
 Tutt al pu, — on ciavo Ti, — e via andass,
 Conoss nanca tant poch s'el g'ha i barbîs,
 Che appenna saludaa, appenna andaa via,
 Semm già lontan de lù quattr' o cinqu mîa.

Me figuri ch'el sia come quand
 S'insogna che se sgola su per l'ari,
 Se va comè sajett, e cicciarand
 Comè ghe fuss quaidun che ne sta al pari:
 Se sent a mancà el fiaa, se slarga i man,
 Ma tutt'on tratt semm giamò là sul pian.

Passarem via per certi sit, sicur,
 In mezz ai bosch senza trovà 'na cà,
 Sit malinconich, trist, sit de paur,
 Ch'andà de sol de no ris 'cià a passà :
 Ma adess paura, adess no ghe nè pù »
 Coss'en disel, va ben, ghe par anch lù ? »

Almanch adess no gh'avarem timor
 De vess saltaa di lader su sti strad:
 Emm de vess pussee franch in su 'l vapor
 Che nanca vess in cà, tutt cont i spad.
 Che sont sigur che i lader mo adess
 Che tremarà 'l boricch a vegnì a press.

Anca con sto penser adess la gent,
 Se fidaran, mi credi, on poo pussee
 Quand voeuren mo andà a spass denter per dent,
 De podè portà adree di gran danee;
 E nanch cercà de scondi in di calzett,
 Come quand se fa adess quai viaggett.

Insomma cossa serva, andà a discòr:
 Ghe n'è staa d'invenzion di centenari;
 Ma questa la par fada del Signor,
 E minga chi di noster omenari:
 A vedè ch'an d'on dì (sì giuradenna)
 S'ha da còr on trattin fina a Vienna!!

Ogni ora d'orelogg, quaranta mia »
 Ghe par che sien quist fior d'invenzion?
 El par che ghe sia fina la magia,
 Se no' vedessem nun coi nost'oggion:
 E senza mettegh su pever e spezia
 Emm d'andà in ses orett fina a Venezia.

Oh penser el pu grand che mai ghe sia!
 Penser de asquâs de fa devantà matt,
 Chi n'ha faa i studi de filosofia;
 De fai diventà stupid an d'on tratt:
 E sònt sicur se succedeven prima,
 Nanch mi sta voeulta no scriveva in rima.

Me piasaria che vegniss al mond,
 In sto car noster secol de brillant,
 Quij sant Ambroeus de sescentann infond.
 E fagh vedè che nun emm dervii i ant
 Della sapienza; e che s'emm miss al bon
 De barattagh al mond i prim calzon.

Ah sî» che se ghe dassef on'oggiada
 Del prim dì chii lassaa 'l voster mondasc
 Infina a sto gran secol de lusnada,
 No podariof a manch de slargà i brasc,
 E in att de adorazion, con bass i oeucc
 Mettes denanz de nun tucc in genoeucc.

E slargà i brasc anmò denanz de Watt (1)
 Compagn di Medinês (2) a Maomett:
 Basagh, e l'è anmò poch, fina i sciavatt,
 Basagh i pee e la terra an do je mett;
 Pregà 'l Signor de coeur e la Madonna
 De mettel per el prim settaa in poltronna.

Ghe par, ch'el disa on poo, no ghoo reson,
 Che adess fan de quij rob strasordinari »,
 Che bisogna bassà 'l noster teston,
 È metti insemma a tutt i Reliquari?
 Ah, car mondasc, te barattaa l'ingegn,
 Te fee fina parlà di toch de legn.

Adess ghe sarà pù de piangisteri,
 Se ghe tocca an quai vun de 'ndà lontan;
 Pu de dolor de coeur, pu de miseri:
 Che se nol sarà incoeu 'l sarà doman,
 Che se torna a vedell, anmò a parlach,
 Come a tirà 'na presa de tabach.

Sti strad de ferr metten a tutt delizia,
 Se senten tutt el coeur a consolass,
 E tucc casciaran via la pigrizia: »
 E alto allon andemm, andemm a spass,
 Andemm a Bressa a fà 'na baraccada,
 Corré mela anca nun sta cara strada.

Intant, el mò per pur divertiment,
 O quij ch'andarà su per interess »,
 Sia mò vun o l'olter fa nient
 El renderà 'l commercio pussee spess;
 E li ost, caffè, alberghi in gran cuccagna:
 Sta voeulta metten sù la capa magna.

*

Sti strad de ferr, com'hoo già faa conoss,
 Hin la delizia de tutt quand la gent,
 (Via de quij poch che gh'an mettuu la toss),
 Ma quij, *opportet nihil* in nient:
 Delizia anca per mi, per lù l'istess
 Che fors ne vegnarà de fai de spess.

Fin tutt el reggiment de l'impiegaa,
 El se consola el coeur, el se da pàs,
 Che se per sort quaidun vegnen mandaa,
 (Come ne succed semper de sti càs)
 Fina a Mantova, a Padova, o a Venezia;
 Ades l'è pù nient, l'è vera inezia.

Sont anca mi in sto numer d'impiegaa,
 Che se per sort m'avess de capità,
 Magari incoeu, sebben sia raffredaa,
 De andà a cascias fin là, lontan de cà,
 Saria contenton, che quand vui mi,
 El prim dì de bell temp, saria chi.

Poss minga picciuragh propi polit,
 Quel che me senti in coo, denter de mi,
 Sti me penser, e i vedi chi sui dit,
 Ma no poss casciai foeura pu d'inscì;
 Ma già sti rob emm de vedei col fatt,
 Vardai, provai anch nun com'ha fa Watt.

De bon peu anca, no sentirem pù
 Certi cisquitt a fa tanto sussor,
 Ch'el par che sien prenzep del Perù;
 Col di che nun s'emm minga come lor;
 Perchè lor han giraa: e hin sta a Vienna,
 E hin staa fina a bèv l'aqua de la Senna.

Adess, anch' nun se levarem in pee,
 Alzarem i barbîs compagn de lor,
 E ghe diremm che n'emm giraa pussee
 De cittaa, de paès, e in su'l vapor
 E alto a smorzai giò, e fai sta lì»,
 Ghe par che parli ben, a parlà 'nscì?

Deffatt vedom coi proeuf che i Milanês,
 Se gh'eren in saccoccia quij poch bor,
 Per vedè Monscia, ehe « ehe » j'han subet spês,
 E inscì han goduu'l piassè de 'ndà in vapor,
 Ch'even mai faa do mia foeu del dazi
 Se no vegneva de sti sort de grazi.

E istess faroo anca mi, quand ghe sarà
 La strada da Venezia; e se gh'avess
 Appenna assee d'andà, poeu de tornà;
 Vui vess di prim anch mi per prova'l pess
 Appenna tiraa foeura fresch del mar,
 E mettel anmò viv in del caldar.

Provaroo anca mi sto gust strasordinari
 De girà intorno a spass per l'Adriatic,
 E sarem bon anca nun de stagh al pari,
 Sebben no siem peu minga tant pratic,
 A sti scior Venezian, dolz parlador,
 E gh'andarem quand ghe sarà'l vapor.

Ma pur tra tanta gent, sciori, e pitoch
 Che speccen anziosissim de vedè
 A comenzà sta strada, a fan on toch,
 Per anticipà subet el piase
 Per quand la sarà a l'orden bell'e fada:
 Ghe n'è olter tant che volten la facciada.

Quist chi, je capirà chi poden vess:
 Hin tutt i vitturin, i carrador,
 Tutt quij di bar, quij di cavai l'istess.
 Tutt quist chi mo, vorien ch'el vapor
 El deslenguass per strada, o pur l'andass
 A precipizj giò per bozzarass.

A sentì cossa disen tucc sti boch,
 Danna, rabbiaa con tucc, co'jazionista,
 En disen tant, che fan diventà loch,
 Hin pegg che ne i bestemm di fiaccherista",
 — Minga cojonarij con sta cattolica
 Me toeuen on trattin fin la majolica!

Sti resonasc sbattuu con de l'asee
 J'hoo sentii l'oltra sira a cuntà su:
 El par a sentij lor, che de mestee
 A sto mond no gh'en sia propi pu,
 Foeura de quell de fa'l vicciurinatt
Usque in fine che porten i sciavatt.

Ma nanca poeu perchè si faa ciama',
 E ghi 'l matricolon de vitturin,
 A sto mond el mestee el se pò cambià;
 Massim ch'el vost l'è minga poeu tant fin.
 Capissi anmì ghavii on poo de passion,
 Ma adess l'è fàda, e bassee giò 'l teston.

Vedem poeu anch, che quand di voeult tempesta,
 Ghè cent person in mezz ai piangisteri,
 Che credeven de god in pàs la festa:
 E inscambi j haa ridott tutt in miseri
 Col portagh via tutt an d'on moment
 Compagn d'ou advocatt ai soeu client.

Ma credii mo perchè l'è tempesta,
 Che tucc abben de piang, de lamentass?
 Oibò, nanch per insogn, che novitaa, —
 Ghè quij che dis, — inscì la seguitass,
 Che per lor la tempesta l'è fortuna,
 E disen, — finalment nè vegnuu vuna.

Sii minga quanta gent resta impiegaa
 In tutt i grad d'artista su sti strad?
 Lavoren anca quij che ha studiaa,
 (Per quist sti strad de ferr e i tempestad?)
 Lavoren i magutt, i legnamee,
 Cap master, architett, fina i tolee.

Ecco 'l mezzo tant bell per impiegass »,
 Per lavorà in cinquanta e pu maner:
 Senza sta chi nanch tant a lamentass,
 A ris'c de ciappà su poeu 'n quai parer,
 Che questa l'è fors l'unica invenzion
 Che la menna con lee 'na procession.

Sui prim moment la ghe parirà brusca,
 Sont persuàs, e sto anca mi con lôr,
 Comè saran rabbiaa qui de la crusca
 E dannaran an lor contra 'l vapor,
 Perchè tant manch cavai ch'an de mangialla
 Che per lo pu, ne starà tanti in stalla.

Già per qualunque roba che se faga,
 Ghè semper pari e disper de per tutt;
 Ghè quij che spend nagott, ghè quij che paga,
 Ghè quij che parla tropp, quij che par mutt;
 Ghè fina quij che viv sora ai disgrazi
 Per quij che va a dormì foeura del dazi.

E sarêv forsi anmì vun de qui tal
 Se gh'avess pasta in man in quai negozi,
 Che l'è propi 'nistinto natural
 De sbragià fort contra a sti nequinozi,
 E troeuvì in regola sto vosament
 De quist che ho nominaa 'penna 'n moment.

Ma no stemm nanca chi poeu a seccass tant,
 Che già per nun no la me fa nient
 Resguard a toeun el pân; che fina quant
 Faran di strad de ferr, nun ridem dent:
 Ch'en faghen pur di milla » che del rest
 Voress che questa la fasessen prest.

Eppur con sto piase che ghoo in di oss
 De ved sti strad de ferr bei e fornii,
 E che correvi anmì a pu non poss
 A ved el nost vapor quant l'è partii:
 Eppur con tutt sta truscia, sto piase
 Ho nanca mo de pondach denter pè.

A lu'l ghe parirà fors minga vera,
 Che mi sia mo giust vun de qui tal,
 Perchè mi parli adess in sta manera:
 Ma s'el conossess mo el me natural,
 Senza fa tant misteri el disaria
 Che la reson sta voeulta l'è la mia.

Quel vedè subet in di prim moment
 Tanta truscia, on bordell, e tutt insemma
 Ona gran folla d'ogni sort de gent;
 M'han faa vegnian d'on bott on poo de flemma,
 E hoo ditt tra de per mè: gh'andaroo denter,
 Quand no ghe sarà pu de schiscia' l venter.

Ma mi credevi poeu che sto sussor,
 Sta truscia, sto spuell, sta gran calchera
 De còr mo tutt i dì fina al vapor,
 E de andà dent calcaa in quella manera,
 L'avess avuu in poch dì de padimass,
 O almanch de lassà liber on poo el pass.

Che almanch allora, tra de mi pensava,
 Podaroo almanch esaminà pussee
 Tutt el vapor; e ved come ch'el fava
 Andà de tutt i part, e innanz, e indree;
 De còr, e de andà a pian, come se sia
 Compagn ch'el sia on bèè che menen via.

Ma gho bel pari sbatt mi caro lù,
 El par che tutt adess faghen a posta;
 Perchè hoo nanca mo mi d'andà sù,
 De famm sta chi mo propi in su la costa;
 Ch'el par la gent la vaga adree a cress,
 Multiplicass là inscì compagn di pess.

Vui cred però che vegnerà 'l moment
 Che podaroo anca mi, corpo de dina,
 Comprà el me bigliett, e de andà dent,
 E filtrà via l'aria remondina;
 Che almanch allora scodaroo 'l petitt,
 E anmì saroo in del numer di *provitt*.

El po mo donca adess immaginass,
 Se gho tutt sto piassè che pari matt,
 De cor a Monscia anmì, per contentass,
 Quand ghe sarà quell'oltra, ch'an d'on tratt
 S'ha de partì de chi, per andà fina
 A vedè 'na Cittaa su la marina! »

E sì, l'è on gust quest chi, quell d'andà a Monscia
 On poo tropp limitaa » che in vint minutt,
 (Se me vojassen in sul coo la conscia)
 La ghe avaria nanch temp de bagnam tutt,
 Che quand comenzem a sentì 'l piassè
 L'è vora, ahì, de smontà, e d'andà a pè.

El capirà senz'olter che ghe disa,
 Che anca Venezia la me sta sul goss,
 E a costo de vend fina la camisa,
 O de andà là strasciaa come on baloss,
 N'importa; son content, ma vui andach
 S'avess de tornà indree fina in d'on sach.

E almanch sto gust de ves in su'l vapor
 El sentirem per on bell poo, perdina,
 Che per el manch gh'emm de sta su sês or,
 E in sês or se gha temp de fan tonina:
 E poeu sto gust, me ne dà on olter anmò,
 Quel de vedè tant sit, che i hoo vist no.

Me se duvîs a mi che appenna là
 Saront compagn de vun che sia staa
 Al sôo per un bel poo; che appenna in cà
 Ch'el se creda de vessess innorbaa;
 El volta i oeucc, el se retroeuva al secur,
 El va via tastonand adree al mur.

E adess me par de vess fina in viagg
 In su'l vapor a vess adree andà;
 E se nol fuss perchè gho in man el pennagg,
 Settaa su on scagn e adree a resonà;
 Me credaria de vess propi in baldoria
 Giammò a Venezia trionfant in gloria.

Per i prim dì el sarà na babilonia,
 In Venezia, in Milan, na confusion.
 Ades la par a dill ona fandonia;
 Ma quant se sentirà che quel *von*, *von*
 L'andarà per tre o quatter voeult al dì
 De Venezia, per Dio, infina chi! »

E impararem anch nun sto Venezian,
 Come impararan lor el Milanês,
 Allora sto Milan, nol sarà pu Milan »
 Venezia nanca lee, tutt i paês
 Cambiaa de capp e pè tucc'anca lor.
 L'è appenna el nom che restarà in vigor.

Con tutt però che sti bei strad de ferr
 Faghen voltà 'na terza part de mond,
 No ghe varan de fa fà pù de guerr,
 Mandai a precipizi fina infond:
 Oibò » nanca per quest non mancaran,
 N'han semper faa a sto mond, semper en faran.

Perchè nun vedem che del prim moment
 Che ha comenzaa sto mond a vegnì grand
 Fin dess che l'haa fornii de cascia i dent,
 I guerr gh'in semper staa, de quand in quand:
 E no vegnerà mai, son persuâs
 El temp che sto nòst mond el sarà in pàs.

Ma adess no stemm a intersicassen dent,
 Se i strad de ferr gh'abbien preponderanza
 De mett mo de lor sol a so talent
 O carestia de pàs, o pur bondanza:
 Che in quant a mi, come anca lu l'istess
 Vorìem ch'el mond l'andass come el và adess.

Ma donca adess tornemm al prim penser,
 Al penser de Venezia e del vapor;
 E femm anch nun compagn di camarer
 Quand che gajoffen via quij poch bor:
 Fan la faccia de rid, cambien la cera,
 Ma subet dopo hin anmò lor, l'è vera!!


Evviva, donca, evviva a sti autor
 Ch'an per i prim intavolaa 'l progett
 De fà andà in Lombardia sti vapor;
 Cavemigh el cappell, pien de rispett,
 E saludandi con *profonda stima*,
 Fenissi pur anch mi de scriv in rima.

FIN.

NOTE.

- (1) Watt fu quello che inventò la macchina a vapore.
 (2) Medina è la città in cui Maometto si rifugiò, dopo essere scacciato dalla Mecca, ed in cui esiste il suo sepolcro.





Prezzo Cent. 35. austr.